

Hic
Deposuerunt mortalia Viri immortalis memoriæ
MAGNI OLAVIDIS STEPHENSEN

Doctoris Juris.

Justitiarii tribunalis Islandiæ superioris.

R. M. a consiliis Conferentiarum.

Qui natus est VIto D. a. Cal. Jan. Anni MDCCCLXIII.

Matrimonium cum jam beata uxore

GUDRUNA SCHEVING

IIIto D. a. Id: Sept: Anno MDCCCLXXXIX, iniit;

Ex qua tres suscepit liberos — duo sunt superstites —

Obiit vero XVIto D. a. Cal. Apr. MDCCCXXXIII.

Si genus, si vel civilem vel literariam dignitatem quæris;

Si ingenium, si generosum animum,

Si industriam, si opera spectas;

Haud facile parem invenies.

Seculum tantum non dimidium

Publici muneris administratione explevit.

Rem literariam patriæ tueri et amplificare non desiit.

In suis studiis nunquam cessavit.

Pater familias, si quis, diligens,

Suorum magnum presidium, existit.

Fortuna prospera uti scivit,

Quæ si interdum adversaretur,

Movebatur quidem, at non frangebatur.

Pietas, animique alacris vigor ægrum sustinebant;

Benignitatis necnon liberalitatis

Multa exstant exempla.

Talem et tantum Virum

Multi, dum vixit, suspiciebant;

Plures mortuum diu desiderabunt.

Sic posuit ejus memoriæ

gratus cultor,

A. HELGASON.



